

Pier e lel yony em ek'awɲ

Ów ek'it eke wel k'uw any

Pier e lel yony em na, ɔmn esel a pupukpaɲ ni nɔn n'awɲ. N'am dad wel eke in e luw a in ibnm ij; ow sosiem, l'erur eke li k'ɔkn wel low yec'a eke li yegm wel a. Krekre e lel ab em a, li dad ɔmn esel a eke k'inym es kikri ɔmn em eke wus am ijr el gbre yeji. Yony em e lel na em a, n'am dad wel eke low yegm esel ayadɲu in anɲ Nyamel ec'araɲn in ok ɔkm etɲ in am yegm agɲ low low ɲuɲn eci yeji, wel gbe, ke segɲ feɲ, wɛ'n us low yegm a eke wɛ'n eb a jam.

Nuɲ 1.1-15 am yegm ey low a eke Pier am erur ke ow sosiem ni nɔn lel na a. N'am ɔkn ɔmn esel a low yegm a eke -l'ibr a. Krekre em a (1.16-21), Amani Mamn ek'el Jesu Krist ec'a. Amani Mamn na, Pier in obi lele erm esel ejec'ab ab b'ij danɲu dad eke ow el low nawre. Nyam e kokoba ɔb esel eke b'eb sodad eke b'anɲ Nyam ogɲ ow a yeji ij danɲu. Nuɲ 2 em a, Pier am elu low yegm esel ayadɲu ec'es an eke bi ɲuɲn Nyamel a e low ɔkm dedeku ec'any af. Ewar nyam a ce eke Jud, in e lel ab em, ewar low yegm esel ayadɲu a anake s'am ekn Pier e lel na em yej'a. Nuɲ 3 em a, Pier am dad low ok agɲ eke dad eke Es Kɔtɔkɔ Jesu in k'ow in ewlm in owm in jejm wus e low in okm ab af. N'am dad wel eke Krist ec'ow na eke in k'ewlm in k'owm a, in am yegm Nyam e low eku a. Tasi em a, Nyam in erurm eke egɲni nyam coco yeji in k'irm, kɔ ow'n am erur eke agɲ feɲ in k'itɲn eb ir, in ɲgboɲ sikpl owi em (3.9).

Lel a ec'uwɲ em a, Pier erur eke ɔmn esel a k'anɲ sayl owi em, yec'etɲ ke Nyam in k'ɔnym abr in enyam wel, legɲ a eke Krist in b'ow in ewl in ow a (3.11-18).

Esɲn

1 ¹Em Simɔ Pier, m'el Jesu Krist e juma kok es lel erm es ab, m'am awɲ agɲ a ek'ɔny ɔmn ek'il an ese ey ec'ab af a lel. S'ɔny ɔmn na anɲe Jesu Krist el nɛny nyam es; in l'el ey e Nyam lel ey e Sɔg Es ab. ²Ke ɔwɔɔ lel erm es ey nɔnɔ gbɛl ab áɲɲ ɔny ab, Nyam lele Jesu ey Es Kɔtɔkɔ ab ec'any uw tasi em.

Àtar sos es, ùcur Nyam ec'esɲ a ek'esɲ ɔny a ɔnyɲ es

³Es Kɔtɔkɔ in ec'abusu ab em, ɔɲ ey ów amamn feɲ ek'it eke si k'iir eb ke s'úcu s'ɔny'n es a. Tasi em a, li yegm ey s'uw Nyam ek'esɲ ey eke

si k'any in ec'anygbel a lel erm mamn ab ab e low em a. ⁴Anygbel na lel abusu na em ab, Nyam ɔɔ ey ów egbel lel ów ek'il an, ke l'ewar ab ab. Na sosiem, eke enjan yec'a eke l'ewar a, ɔtur eke k'ngboɔn ów aw enɔɔ amua eke ugɔn wus na es ab em etɔ ɔtur eke k'onyn erm nyam coco Nyam in obi ab. ⁵Ow sosiem àtar sos es ebr ów amua igɔn ɔny ec'omn ab af: ìir eb low nenyembri nyam em, ke úwr low eke Nyam b'erur a yej'any. ⁶Ónyan sos es, ɔnyn low eku, ke úcur Nyam ɔnyn es. ⁷Ìjr lawl ɔny ɔfr em, ke ɔnyn erur yeji. ⁸Ów amua anake el sɛwl mamn eke k'onyn a. Etɔ ek'onyn el -l'agb ɔny em, b'ow ɔnyn ɔmn eke bi kok juma etɔ b'ow ɔtur uwr ey Es Kɔtɔkɔ Jesu Krist any tasi. ⁹Sica ek'egɔ nyam ɔnym ów amua anm in em a, l'éknm es etɔ l'ot any eflu es. Li b'ijl es eke wɛl ɔɔɔɔ in e lɛɔ sig em e sikpl ab es.

¹⁰Ow sosiem, agɔ lisijimel emeny àtar sos es, ùcur Nyam ec'esɔ a ek'esɔ ɔny a lel ɔny e sɔsum eke li sɔsum l'ot ɔny ab ab e low ɔnyn es. Eke b'ir eb eben, k'ow eymn low nɔɔ em ij. ¹¹Etɔ eben a, Nyam b'ow fig ɔny, **gbrengbi** usu a ek'onym nɔɔ eci lisany a gbada, gbrengbi usu a ek'el Jesu Krist ey Es Kɔtɔkɔ lel ey e Sɔg Es ab ec'a.

Úcur erm esel lele kokoba ɔb esel ab eci low yegm a ɔnyn es

¹²Uwr ów amua any god'etɔ etɔ b'inymn es low nenyembri nyam a ek'ebɔ ab af. Gbɛkɔ m'erur eke eben yeji mi k'ɔkn ɔny el e low sɛɔ fɛɔ. ¹³M'ekn yej'eke ow it akpl, eke mi k'ɔkn ɔny ów amua, eke m'any ow wus af aɔa a, ke ám ewr erm. ¹⁴Em m'uw any eke em e luw e lɛɔ titm, ese elel eke ey Es Kɔtɔkɔ Jesu Krist yegm'm m'uw any ab af. ¹⁵Gbɛkɔ mi b'ow mi kok yec'eke m'ɔtu eke mi ki kok a, ke em e luw a e jam a, ɔtur am ɔkan low yegm amua fɛɔ e low.

¹⁶Tasi em a, ow elm ów yadɔ em, odad ebl eke wɛl tutr mɛwl em, s'elum ey Es Kɔtɔkɔ Jesu Krist ec'ow abusu em a, e low ɔkm si yegam ɔny. Kɔ ey obi ec'anyamn em s'ekn in e sagb a. ¹⁷Eɛ, n'ɛɔn anygbɛɔ lel anygbel ab Nyam Es ec'abu em, lɛɔ a eke ow ec'anygbel liplɛmu ab em, ow ɔɔ'n l'iri odad na a: «Eɔɔ na el em ec'Iy e m'erur, etɔ m'oc em eci sos em iɔn fɛɔ m'elu'l em.» ¹⁸Lebl ikɔ na afr ow any ow, ey obi yeji s'iri, lɛɔ a eke s'any Jesu ab lafeny lala ab af a.†

¹⁹Na sosiem, ow ɔɔ ey ec'omn a obn ɔɔɔ **kokoba** ɔb esel ec'amani ab em. Ow akpl eke k'ewr erm af, aɔke ow any ese kenie ek'anɔ ncebn em am iri, toɔ ke lɛɔ eny ec'usuayl ów, ke enyn enyn eci léf a ékan ɔny e merm ab es. ²⁰Etɔ kin low ek'it eke k'uwr any: eɔɔ kaka ɔnym abusu ek'in obi em, k'otar kokoba ɔb esel e sodad ek'anɔ Nyam Lel em a, e low akr. ²¹Tasi em a, kokoba ɔb es kaka ɔbm in obi ec'erur em ec'amani, kɔ Abɔ Lala ec'abu elum em anake kokoba ɔb esel ɔtu dad Nyam ec'odad a.

† 1.18 Matie 17.1-5; Mark 9.2-7; Luk 9.28-35.

Low yegm esel ayadhu

2 ¹ Lægñ sig em a, **kokoba** ob esel ayadhu ok çkm Israel eyñ ec'araññ. Dny ec'araññ a yeji, low yegm esel ayadhu b'ow anñ. -Li b'ow mewl em -l'ok çny wus ów yadñ eci yegm em, etñ -li b'ow -n'im toñ -l'egbr Es Éw És a eke sçg el a yeji. Nene anake -li b'ow -l'esñ es abur ow kpuru ñyññ el a. ² Agñ nõnõ b'ow igñ el ugñ kok ów mramra etñ el sosiem, wel b'ow yayr Nyam e low nawre ec'ejagb a. ³ Etñ eke os eññ e low am okr el ermij nõnõ a sosiem, -li b'ow -l'ēju çny sodad ek'el obi -li tutar ab em. Gbèkõ ow anñ ibn, ek'el eci jej ok a am eku etñ gbre b'ow eññ el fafa.

⁴ Tasi em a, **afr** erm esel eke kok sikpl a, Nyam ewm el es nene ce, kò n'ony l'ok wel **gbre** ij usu a. Yogñ n'awñ wel ñgbraka em ncebn em etñ n'am ew wel es toñ ke jej ok e lægñ a ów. ⁵ Eben neny nyam, lægñ sig em e wus ab af ec'agñ eke kok sikpl a yeji, Nyam ewm el es nene ce. Gbèkõ eke n'ññ mij gbèl a an ok wus eman agñ eñyñ a fèñ a, li sçg Noe ek'am ob kokoba elu es an nyim nyim e lebl a lele agñ l'õbñ ejec'ab. [†] ⁶ Eben eke Sodòm lele Gomçr ab yeji eññ es abur ana. Nyam çñ al ow ñyññ el etñ ow el low eke k'el sewl agñ eñyñ eci, ke ow yégm el low eke b'ow eññ el a. [†] ⁷⁻⁸ Etñ kin, Lot ir eb ów mramra esel ec'araññ, kò in obi em a l'el eññ nyim nyim. Sos b'ow'r es nõnõ wel ec'es an ñyñ a sosiem. Tasi em a, n'am èkn etñ n'am iri wel ec'ów eñyñ a fèñ etñ lægñni nyam nyam fèñ, in ec'egñ nyim nyim ec'erm ab em, ow am ijr'r gbre. Gbèkõ Nyam sçg'r agñ amua ec'araññ. ⁹ Ow am yegm eke Es Kõtõkõ çtu e ki sçg agñ eke bi kok cece a gbre em. Etñ l'õtu eke li k'edññ agñ eñyñ a l'ew es, toñ ke jej ok e lægñ a ów, ke n'ññ wel gbre. ¹⁰ Li b'ow n'ññ agñ a fèñ eke b'an es, el e sos megl ec'ów aw eñyñ em a gbre. Agñ amua çny ów nenññ e kok ec'emñ, etñ -li b'ifn Nyam ec'es ew a.

Low yegm esel ayadhu amua çnyñ el sosi çmñ nõnõ. -Li b'efu es etñ -l'urumn eke -li ki wewr afr ec'abñ any esel a. [†] ¹¹ Etñ kin afr erm esel bõbõ yeji ókm abñ amua ów af etñ -li wewrmm wel Nyam ec'any af. Ke afr erm esel çny lec etñ çny abusu nõnõ akm low yegm esel ayadhu amua. ¹² Agñ amua anñ ese mindey ek'õnym nuñ em çny, ke wel kok eke k'õgñ meb ke wel ibi ab af. -Li bi wewr yec'a eke -l'uwm any a etñ -li b'ow -l'uw ese mindey amua af. ¹³ Na anake el gbre a eke -li b'ow -n'eññ el ec'ów eñyñ a sosiem a. -Li b'erur -li kok el ec'ów aw eñyñ a e low lægñ owr fitañ. Etñ eke -li bi kok es gbegbl çny ab a, ow b'ññ el sos em eke -li k'ony yadñ -l'ok

[†] **2.5** Nuñ Çb 6.1-7.24. [†] **2.6** Nuñ Çb 19.24. [†] **2.10** *afr ec'abñ any esel a*: aña Pier, tasi em a, am dad afr erm esel akpasu mum nyam ec'odad. Bibl any uw esel beb bi tutr ek'ow el afr erm esel eñyñ eke ok wus a (èkn Jud akr 6). Beb bi tutr ek'ow el afr erm esel amamn a; etñ agñ likpr ec'a -li bi tutr eke afr erm esel akpasu na em, wel b'eññ eñyñ lel amamn ab (bèbmn Jud akr 8).

ony, etn yogn eke -li b'ann a b'el nenjn lele és ab. ¹⁴-Li bi gegnm anyamn es -l'ol cyow **nfaci** ij eci, segn feg sikpl kok owi b'aw el etn -li b'odu agn ek'ew fuéfué a -l'eb. -L'el agn eke segn feg os enn owi b'okr ermij. Nyam ec'ofn a ann el af. ¹⁵-L'ign ejagb mamn a -l'elu es etn -l'irm. -L'eb ebr a eke Balam, Bosor jim a eke wel on os low nuj kok ec'a eb a.[†] Etn Balam yeb os a eju'r, ¹⁶gbeko l'iri in e low eluam a ec'abr enym a e low: gbanjo cyow kpeten nyam eke ám dadm odad, dad odad egn owr e lebl em etn l'edjn kokoba on es Balam eci nyamb owi a eke blel kok a.

¹⁷Low yegm esel ayadju amua ann ese simij onu eke mij anm em ab af, -n'ann ese jru ek'as luku eke k'an mij ok wus, ke lef elu ony oc es ab af. Nyam ew el usu es ncebn ibr ab em. ¹⁸Ee, el e nenym es ign eci sodad a eke low kaka anm em ab em, agn a eke ow k'ibnm yeji ngbon agn ek'am ir eb eke elm Nyam ec'abr a ec'aragn a, -li b'odu -l'eb wel. Ow sosiem, -li b'ecr sos megl af eci és em ec'ow aw ab em, ¹⁹etn -li b'ewar wel lewi ij. Ke el obi a -l'el ow aw a eke bi nujn el a eci madu. Tasi em a, eke ob nyam b'akm ey es, ke in e madu s'el a. ²⁰Agn ek'uw Jesu Krist ey Es Kòtòkò lel ey e Sog Es ab any a, ign wus ec'ow on on a ok es, sica eke -li yeb batn ow on on a ewl on eb el etn akm el es a, ow b'ow on el eci manjn el owi a b'ow ew marem akm lisig a. ²¹-L'uw low nenyembri nyam ec'ejagb ab any, gbeko -li wal Nyam odad lala a eke wel yegm el a -l'elu es. Ek'ow el eben a, yec'eke blel akpl el ec'a el ke -li k'uwmn low nenyembri nyam ec'ejagb ab any. ²²Sica low na ek'enjn el a, am on nyandre odad na low ij: *Dwr b'ewl im ij yec'a eke l'egbl a[†] etn «gbroko eke wel ok mij a, b'ewl im fefl es kòdòg em».*

Es Kòtòkò eci mowrer a

3 ¹Erur em ec'agn lisijimel, lel yony em eke m'am awn ony ana. Etn silél a yony mum em, m'òkn ony ow a feg ek'uw any a, yec'etn ke ow elum ony abu tutar ow senyn senyn. ²Òkan sodad a eke **kokoba** on esel lala dad legn sig em a lele Es Kòtòkò ey e Sog Es e low yegm a ek'on ec'**erm** esel yegm ony ow e low ab ab. ³Etn kin low ek'it eke k'uw any: segn es abal el em a, agn b'ow ow eke b'ow ir eb ese elel ek'el ec'ow aw enjn a b'onjn el ab af. ⁴-Li b'ow -li kokr ony miyer -li dad -l'ese: «Jesu ewar ew es eke li b'ow l'ewl l'ow, kò yadn ee? Etn sica bogj n'ann ab ee? Tasi em a, ey esel uw god'etn,[†] gbeko ow a feg ann ow ec'elel a ce eke ow ann god'etn, wus eci nun on em etn a!» ⁵Odad nene eci dad em a, -li b'ijl low nyam es: ow ibn eke Nyam kok afr lele wus ab. Nyam in ec'odad ebl em on mij as luku etn wus on ann mij em ey okm.[†] ⁶Etn emeny mij a ce, mij gbel a ek'iy eb es a ce anake nujn legn sig em eci wus a. ⁷Gbeko odad

[†] 2.15 Awl 22.1-35. [†] 2.22 Nyandre 26.11. [†] 3.4 ey esel uw god'etn: anja k'aw ke ow el nun on eci kretienel a. [†] 3.5-6 Èkn Nun On 1.6-9; 7.11.

ebl nyam a ce oc legɲ na em ec'afr lele wus ab a ew es, am eku legɲ eke Nyam ec'efnu eci jej ok b'ow ey ɔkm wus aɲa a. Legɲ ab anake afr lele wus ab yeji b'ow etu al em a.

⁸Gbekɔ erur em ec'agɲ lisijimel, low nyam aɲɲ ek'it eke k'ijlmn es: Es Kɔtɔkɔ ec'a, legɲ nyam aɲɲ ese akpo fandi af, etɲ akpo fandi aɲɲ ese legɲ nyam af.[†] ⁹Es Kɔtɔkɔ ec'a, ow k'ow ibnm etɲ li b'ow li kok low a eke l'ewar a. Agɲ nyam nyam gbɛ am dad ese ow'n am ibn o! Kɔ low eku ce n'am ɔny ɔny e lís, eke l'erurm ek'egɲ kaka k'uw kpɛkɲ kpɛkɲ, ke n'am erur ek'agɲ feɲ k'ony abusu itɲɲ erm em a sosiem. ¹⁰Es Kɔtɔkɔ e legɲ a b'ow ow ese ulu af, etɲ legɲ a, likekr ligbel em afr b'ow irm, etɲ in em ec'ów feɲ ek'anɲ a, al b'ow ɲuɲɲ. Wus lel in em ec'ów feɲ ab yeji b'ow irm. ¹¹Sica eke ow el nɛne ów a feɲ b'ow uɲ a, ɔny, ám ekan lele eke k'iirir eb a! Ow it eke k'onyɲ es an lala, ke Nyam ec'es ucu ɔny a ám ey ɔkm. ¹²Tasi em a, ɔny am ekur eke Nyam e legɲ a k'ow etɲ am erurir eke li k'ow fafa. Legɲ a, al b'ow etul afr lel in em ec'ów feɲ ek'anɲ ab ab iri ok es nimum. ¹³Gbekɔ Nyam ewar afr owr nyam lele wus owr nyam ab,[†] eke yogɲ agɲ a feɲ b'ow kok ów nyim nyim eke li b'erur a. Etɲ yeci anake s'am eku a.

Èwr sos erm

¹⁴Ow sosiem a, erur em ec'agɲ lisijimel, legɲ na ec'eku em a, àtar sos es eke k'itamɲ em, ɔnymɲ abr enym kaka, ke áɲɲɲ erm es ey em Nyam ab. ¹⁵Òcr ey Es Kɔtɔkɔ eci low eku a ese abusu ek'eru ɔny es eke k'ɛɲan sel af, ese lele eke erur em ec'ey lisijim Pɔl awɲ ɔny lel, nuɲ em ɔny a eke Nyam ɔɲ'n ab em, ke li dad ab af. ¹⁶Low na anake ni nɔn silɛl feɲ em eke li bi dad ów amua ec'odad a. In e silɛl ab em, susu aɲɲ eke ow ec'iri a b'ɔtu, etɲ agɲ ek'onyɲ low any uw kaka ke bi cɛcm a, am wuwal ow ec'iri a, ese lele eke Nyam Lɛl ejeci e susu beb ab em yeji -li bi kok ab af. Etɲ ow b'el el obi ec'irmɲ eci.

¹⁷Erur em ec'em lawlɛl, ɔny ec'a, sica m'ewar ɔny ŋ. Èwr sos erm gɔɲ, yec'etɲ ke kí yɛbmɲ agɲ ek'onyɲ low elum kaka a, irmnm ɔny el ec'irm ab em, bake írmnin ɔny ec'es a ek'uwr sig a. ¹⁸Gbekɔ ɔnyɲ es iman anym eci, bibm em lele ey Es Kɔtɔkɔ ey e Sɔg Es Jesu Krist ec'any uw em ab. In ec'él anygbɛl yefenyɲa em toɲ godo godo feɲ eci! Amen.

[†] 3.8 Bèbmɲ Selu 90.4. [†] 3.13 Esayi 65.17; 66.22.